

tive et aliarum etiam operationum effectiue sunt in membris animalium licet sit una anima in corpore uniuscuiusque animalis nec tamen vires ille superant. Dico in hoc quia primo iste destruitur duobus modis. primum quoniam secundum hoc homines et alia animalia erunt membra animalis istius cuius anima illa anima est hoc est mundi et propter hoc. Sicut nullum membrum animalis animal est. ita nec homo nec aliud aliquod ex animalibus animal erit sed erunt membra animalis illius magni monstruissimi et horridissimi et consequenter ex hoc accidet in nullo hominum vel animalium aliorum animam esse nec anima humana anima erit nisi equivoce cum nulla perfectio cuiuscumque ex membris hominum vel animalium aliorum anima sit vel etiam dicat sed neque homines erunt animalia plura vel animalium et propter hoc neque unus homo neque multi homines. Secundo destruitur primo huiusmodi per hoc quod anima que est extra corpus quod cuius impossibile est ut animetur vel vivificetur illud siue perficiat cum perfectio omnis essentialis pars perfecti sit atque de ipso et in eo de necessitate esse habeat. Quare quemadmodum anima que est in socrate non potest animare aut vivificare platonem neque villo modo esse perfectio eius. Sic neque anima octavi celi siue alterius corporis potest esse perfectio vel alicuius ex hominibus aut animalibus aut vegetabilibus que sunt apud nos hoc est sub arcu lunari.

Uoniam autem dixi tibi in precedentiibus de anima ista quod in retrogradationibus et exaltationibus et de perfectionibus aliisque huiusmodi visus obsessionibus planetarum et eclipsationibus aliisque omnibus quibus virtutes eorum et operationes impediri posuerunt astronomi et non dixi in hoc sermone completum per quem firma fieret ratio seu probatio quam intendebam supplebo hic et firmabo probationes hanc. Dico igitur quia si anima illa efficit ea que numeravi et nominavi tibi vel efficit illa scienter et nolenter et ignoranter et propter hoc non volenter aut inuita. Quod si scienter operatur impedimenta virtutum et operationum planetarum qualiter igitur mouet eos cum per motus et motuum figuras operantur omnes astronomi et omnes philosophi consentientes astronomis. Amplius ut quid eas retrogradi facit an quia ipsas iusto precesserunt utrumque que ipsa imperant an quia nimis celeriter moti sunt

an quia peniteat eam eorumque nouisse. Quare preter imperium eius et voluntatem eius moneri eos necesse est vel in parte vel in toto. Amplius qualiter obsidet eos constituens aliquid eorum inter duos malos ubi mirabiliter ligatam virtutem eius scripserunt astronomi. Et qua de causa eclipsat solem et lunam et interdum alios frequenter quo fructu siue utilitate tot et tanta mala querit atque percurat corporibus huiusmodi nec et in animam brutalem cadit ista malignitas ut corpus in quo est vel membrum vel aliquod ex membris eius scilicet moueat ad impedimentum ipsius vel lesionem virtutis eius. Multo fortius igitur non est possibile ut hoc cadat in anima illam nobilissimam ac sapientissimam. Si vero nesciens hoc operatur hic etiam sermo valde erroneus est quoniam etiam si ista ignorantia in ea naturalis esset tamen longa tamen assuetudine millesies ablata esset ab ea et contraria eidem scientia acquisita. In brutis enim animalibus videmus per assuetudinem naturales ignorantias multas tolli et ipsa in multis quasi disciplinabiliter erudiri ita etiam ut quedam ex illis loqui siue dicere videamus si loquela dicenda est locutionis humane tales effigiationes. Qualiter igitur durasset ista ignorantia in anima mundi. Amplius ipsi astronomi qui heredes fuerunt et sunt causaque brevis vite et tam longe a motibus istis etfigurationibus eorum et aliis que numeravi et nominavi tibi hec omnia inuenerunt investigationibus et observationibus suis. Qualiter igitur ignorare potest anima mundi aliquid omnium istorum. Amplius cum animabus nostris notissimi sunt motus corporum nostrorum atque membrorum et hoc est quoniam per ymaginationes siue intelligentias et voluntates earum qualiter motus omnes celestes vel motuumfigurationes latere possunt animam mundi cum fiant per intelligentiam et voluntatem ipsius. Si vero dixerit quod ea inuita accidunt

impedimenta virtutum suarum planetis est igitur alia virtus mouens celos et planetas que ipsa anima mundi. Nullus autem philosophorum posuit aliquod horum moueri nisi ab anima neque etiam plato ipse. Quare erit alia anima mouens celos vel alie anime mouentes eos que anima illa mundi quam plato posuit et de hac erit adhuc questio eadem et difficultas eadem. Sequitur etiam hunc errorem per vias multas et violentias atque conflictus et